

finansijskim izvještajima ili, ako ove objave nisu odgovarajuće, da modificiramo naše mišljenje. Naši zaključci se temelje na revizijskim dokazima pribavljenim sve do datuma našeg revizijskog izvještaja. Međutim, budući događaji ili uslovi mogu prouzrokovati da Društvo prestane s vremenski neograničenim poslovanjem;

- Ocjenjujemo cjelokupnu prezentaciju, strukturu i sadržaj godišnjih finansijskih izvještaja, uključujući povezane objave, te uključuju li finansijski izvještaji odnosno transakcije i događaje na kojima su zasnovani na način kojim se postiže fer prezentacija.

Komuniciramo s onima koji su zaduženi za nadzor u vezi s, između ostalog, planiranim djelokrugom i vremenskim rasporedom revizije i važnim revizijskim nalazima, uključujući i one u vezi sa značajnim nedostacima u internim kontrolama, koji su otkriveni tokom naše revizije. Mi, također, dajemo izjavu onima koji su zaduženi za nadzor da smo postupali u skladu s relevantnim etičkim zahtjevima vezanim za neovisnost, kao i, tamo gdje je to promjenjivo, o povezanim mjerama zaštite.

Među pitanjima o kojima se komunicira s onima koji su zaduženi za nadzor, određujemo ona koja su od najveće važnosti za reviziju finansijskih izvještaja tekućeg perioda i stoga su ključna revizijska pitanja. Ta pitanja opisujemo u našem izvještaju neovisnog revizora, osim ukoliko zakon ili propisi sprječavaju javno objavljivanje tih pitanja ili, kada odlučimo, u iznimno rijetkim okolnostima, da ta pitanja ne trebamo komunicirati u našem izvještaju neovisnog revizora, s obzirom da se razumno može očekivati da bi negativne posljedice njihove objave nadmašile dobrobiti javnog interesa.

#### **Izvještaj o usklađenosti s ostalim zakonskim ili regulatornim zahtjevima**

Prema našem mišljenju, temeljno na poslovima koje smo obavili tokom revizije, informacije u priloženom izvještaju uprave Društva za 2018. godinu usklađene su sa priloženim godišnjim izvještajima Društva za 2018. godinu.

Prema našem mišljenju, temeljeno na poslovima koje smo obavili tokom revizije, priloženi Izvještaj uprave Društva za 2018. godinu je sastavljen prema Zakonu o računovodstvu i reviziji.

Na temelju poznavanja i razumijevanja poslovanja Društva i njegova okruženja stečenog u okviru revizije, nismo ustanovili da postoje značajni pogrešni prikazi u izvještaju uprave Društva.

U skladu sa Pravilnikom o objavljivanju informacija i izvještavanju na tržištu vrijednosnih papira, a temeljeno na odredbama Zakona o komisiji za vrijednosne papire i Zakona o tržištu vrijednosnih papira, uprava Društva je pripremila Poseban izvještaj o poslovanju ovlaštenih učesnika.

Uprava Društva je odgovorna za pripremu tih obrazaca, te oni ne predstavljaju sastavni dio ovih finansijskih izvještaja, već sadrže informacije koje zahtijeva Pravilnik. Financijske informacije u obrascima temelje se na finansijskim izvještajima Društva pripremljenima u skladu s Međunarodnim standardima finansijskog izvještavanja, te su prilagođene odredbama Pravilnika.

Partner u reviziji:

U ime i za "Orecons&Audit" d.o.o.  
Muftije Šemsekadića 14,  
72000 Zenica, Bosna i Hercegovina

Zenica: 25.03.2019. godine



Mersiha Fazlić-Sojkić, dipl.oec  
Ovlašteni revizor

Anisa Koluh, dipl.oec.

Anisa Koluh